

免調庸

〔享祿本類聚三代格十七〕太政官符

應免俘囚調庸事

右得太宰府解僞所管諸國解僞件俘囚等恒存舊俗未改野心狩漁爲業不知養蠶加以居住不定浮遊雲○雲上恐至徵調庸逃散山野未進之累此進之由望請免徵正身至于蕃息始徵課役然則俘囚漸習花俗國司永絕後煩者府加覆檢所陳有理謹請官裁者大納言從三位神王宣奉勅依請者諸國准此

延曆十七年四月十六日

給祿

〔延喜式太政官十一〕凡正月七日十一月新嘗二節預給祿俘囚交名別紙而奏雖帶五位猶同此例

賑給

〔類聚國史百九十〕延曆十九年三月己亥朔出雲國介從五位下石川朝臣清主言俘囚等多衣服依例須絹布混給而清主改承前例皆以絹賜又每人給乘田一町即使富民佃之新到俘囚六十餘人寒節

遠來事須優賞因各給絹一疋綿一屯隔五六日給饗賜祿每至朔日常加存問又召發百姓令耕其園圃者勅撫慰俘囚先既立例而清主任意失旨饗賜多費耕佃增煩皆非朝制又夷之爲性貪同浮壑若不常厚定動怨心自今以後不得更然

〔日本後紀二十一〕弘仁二年七月辛酉出羽國奏邑良志閉村降俘吉彌侯部都留岐申云己等與貳薩

體村夷伊加古等久構仇怨今伊加古等練兵整衆居都母村誘幣伊村夷將伐己等伏請兵糧先登襲擊者臣等商量以賊伐賊軍國之利乃給米一百斛獎勵其情者許之

〔日本後紀二十一〕弘仁四年二月戊申制損稼之年土民俘囚咸被其災而賑給之日不及俘囚飢饉之

苦彼此應同救急之恩華蠻何限自今以後宜准平民預賑給例但勳位村長及給料之類不在此限

〔類聚國史百九十〕弘仁五年二月癸巳出雲國俘囚吉彌侯部高來吉彌侯部年子各賜稻三百束以遇

荒樞之亂妻孥被害也